



UNIVERSITÄTS-
BIBLIOTHEK
PADERBORN

**Amor Deiparæ Virginis Mariæ; Petri Antonii Spinelli
Neapol. Societ. Iesv**

**Spinelli, Pietro Antonio
Coloniæ Agrippinæ, 1620**

Epilogus totius operis, num. 20.

[urn:nbn:de:hbz:466:1-60948](https://nbn-resolving.org/urn:nbn:de:hbz:466:1-60948)

EPILOGVS TOTIVS
OPVSCVLI.

His igitur de sanctissimæ Virginis Deiparæ laudibus; atque de pietate qua eam venerari debemus, vtcumque pertractatis, vela contrahentes vniuersæ huic disputationi finem imponamus. Et si enim (vt rectè Bernardus ait) non est, quod magis nos delectet: sed nec est, quod terreat magis quam de gloria Virginis Mariæ habere sermonem. Quod si quid boni ipsa Magistra in hoc opusculo de eius laudibus dictū est, in eam) vt par est) referatur: si quid verò nostra imperitia, ac ruditate minus dignum eius maiestate locuti sumus, veniam ab ipsa precamur.

*Totius opus
seculi con-
clusio.*

*Bernard.
serm. 4. de
Assumpt.*

Interea illud suppliciter atque obnixè te Virgo sanctissima rogamus, & obsecramus, vt hoc qualemcunque nostrum munusculū, & dignitati, ac pro meritis tuis longè impar obsequiū pro tua benignitate suscipere non dedigneris. & quæ Thronus es Dei, multis ei nominibus proxima atq; auctoritate, & gratia apud eū polles maxima, quæ Matris & Aduo-

*Precatio
ad Virgi-
nem.*

Apoc. 4.

catæ

*Monstra
te esse ma-
trem.*

*Ioan. 19.
B. Virgo
nos ipsa
prius qua-
rit quam
nos illam.*

cata nostrae nomen, ac munus sustinere non dedignaris, erga me, ceterosque omnes famulos tuos monstres te esse Matrem. Fac ô piissima Mater, ut re ipsa tantae tuae dignationis effectum in nobis experiamur. Quamuis enim non melateat Virgo sanctissima egregie in nos obire te munera Matris, & vnicuique nostrum merito te dicere posse. Monstra te esse filium: nec enim me fugit (quid enim me fugiat cum in me ipse quotidie experiar) nos per augustissimae Matris beneficentia, & amplitudine charitatis, pro nostrarum virum imbecillitate filiorum partes minimè sustinere, & propter nostra demerita indignos planè esse, qui filij tui nominemur, ac sumus: Vellem namque Mater benignissima, ut tantum in nostris meritis esset ponderis, quantum est in tua charitate momenti: memineras tamen Mater sanctissima, quando aqua in lancea non sumus, dictum tibi prius fuisse: *Ecce filius tuus, quam Ioanni, Ecce mater tua.* Quocirca tu prius aberrantes nos, & à recto virtutis tramite per abrupta vitiorum longissimè digressos quaerere, inuenire, & ad diuinorum mandatorum viam caritatis tuae nutu efficaciter reuocare digneris: ut ea saltem.

rem ratione nos tibi filios exhibeamus. Compatere Domina, figmento nostro, quod luteum, quod leue est, quod ad mala procliuē. Coniue tantisper in erratis nostris, purga nos apud eum, quem ob nostra demerita meritò timemus, filium tuum, Dominum nostrum. Tu enim es spes vnica peccatorum: per te speramus delictorum veniam, & in te beatissima nostrum est expectatio peccatorum. Nos verò omnes (vt verbis utar ab Apostolo mutuatis, quæ & nosfiræ huic te Throno Dei disputationi congruunt.) Adeamus cum fiducia ad hunc Thronum gratiæ, Deiparam scilicet, vt misericordiam consequamur, & gratiam inueniamus in auxilio opportuno. Ipsa enim, ex Isaia, est *solium illud in misericordia præparatum Agno dominatori Terra; & sedebit super illud in veritate in Tabernaculo David, iudicans & quærens iudicium, & velociter redens, quod iustum est.* ita apud Isaiam.

Qui ergo miseris premimur, ærumnis vrgemur, & calamitatum fluctibus undique iactamur, ad Matrem misericordiæ, quæ solium est in misericordia præparatū, in quo residet Deus misericordiarū, & Deus totius consolationis accurramus; Deiparæ Virgini diuina opitulante

August.
serm. 18. de
Sanctis.

Ad B. Vir
ginem ac
curramus.
Hebr. 4.

Isai. 16.

A

478 *Congregationum Deipara*
pitulante gratia seruos, ac filios obse-
quentes, minimeque degeneres ipsi ex-
hibeamus: illi nos nostraque liberalissi-
mè offerentes, eius efficacissimum, ac
simul præsentissimum apud Deum pa-
trocinium imploremus, vt eius benefi-
cio misericordiam tandem consecuti, in
Cœlesti Patria Christum Iesum eius
filium laudare, benedicere & glorificare
mereamur: cui sit cum Patre & S. Spi-
ritu omnis laus, honor, glo-
ria in sæcula sæculo-
rum. Amen.

F I N I S.

R. P.

R. F. BERTH
ANTONII

SPINELLI

Neapolitanus

TRAVEL
DEVOTIONIS

ERGA
VIRGINEM

MARIAM



Coloniae
Apud Joannem
ANNO 1700